



Claudii Fleurii Abbatis Historia Ecclesiastica

Ab anno Christi 1721. usque ad annum 1724

Fleury, Claude

August. Vind. [u.a.], 1783

VD18 90119304

§. 15. Epistola Legati Apostolici ad Imperatoris alloquium admissus.

[urn:nbn:de:hbz:466:1-67596](#)

Sæc. XVIII.
A. C. 1721.

§. XV.

Epistola Legati Apostolici ad Imperatorem.

Tantopere sibi applaudebat Imperator in suis parabolis, ut Mandarinus Chao Legatum increparet, quod ad eas segnius, ac sine admirationis sensu respondisset; nec etiam propterea Ly Pin Chum contumeliis in Legatum effusis parcebat. Paulopost alii ad Legatum venere Mandarin, qui Imperatoris nomine exponebant, quod intra biduum ad Pedrinii libellum responderet: mox ergo Legatus has ad Imperatorem dedit literas:

*Potentissime & Clementissime
Imperator.*

„Ex quo in hoc florentissimum Majestatis vestræ Imperium perveni, adeo insignes percepi favores, ut nunquam majores viderim aut me exceptum iri speraverim. Attamen unum est, quod me adeo affligit, ut dolore opimar, quod forte Majestati vestræ displicuerim, vehementer autem doleo, quod in mea non sit potestate, ut possem Majestati vestræ satisfacere. Quod M. vestræ significavi, fideliter adimplebo, scilicet me omnino accu-

D 5

xate

Sæc. XVIII., rate repræsentaturum summo Ponti-
A.C. 1721., fici, quæ a sapientissima M. V. mente
„fuerunt mihi indicata: sublime M. V.
„judicium apprime noverit Legatum
„summi Principis non posse injuncti mu-
„neris limites transgredi, spero tamen
„in posterum magnam facturum inter
„Europæos pacem, adeo a M. V. con-
„cupitam: antiqui Europæorum erro-
„res deleantur rogo, a memoria M.
„V. & summus Pontifex, quando
„audiet, quæ referam, non solum do-
„lebit, sed cognoscet, quorum sit, vel
„non sit culpa. Libellum illum Do-
„mini Pedrini vidi, & quidem non ap-
„probavi, ipsum ausum fuisse molestare
„M. V. & conqueri de suo proximo:
„verum, cum lex Christiana mihi cha-
„ritatis officia dictet, supplex peto ve-
„niam M. V. pro ipso, qui forte tristi-
„tia aliqua correptus, aut dolore,
„illum scripsit: semper major est Cle-
„mentia M. V. sua culpa, & magis e-
„minebit, in parcendo benignitas: di-
„gnata est M. V. duos mihi concedere
„dies temporis pro dando Responso, sed
„libellum hunc supplicem mitto, ut dimi-
„nuam M. V. & Dominorum Mandarino-
„rum molestiam, cum nihil aliud habeam,
„quod M. V. significem. rogans, quod jam
„in meo externo Libello M. V. scripsi. ut
„citissime possim summum Pontificem
„de

„de tam benigniter mecum actis cer- Sæc. XVIII.
 „tiorem facere. CAROLUS AMBRO- A. C. 1721.
 SIUS PATRIARCHA ALEXANDRI-
 NUS & LEGATUS APOSTOLICUS.

§. XVI.

*Mediobarbus Papæ Legatus denuo ad
 Imperatoris alloquium admissus.*

Hac epistola Sinice reddita Pater *Vid. supra*
Laureati catena ad collum appensa t. 70. p. 580.
 tanquam reus ad Aulam per lictores
 raptatus, a Mandarinis pro tribunali
 sedentibus inter alia accusabatur, quod
 Legati adventum Cantone Peckinum
 versus invito Imperatore sollicitasset;
 qui tamen intrepido animo culpam om-
 nem a se amoverat. Die autem vige-
 sima prima ejusdem Mensis Legatus ad
 Imperatoris alloquium vocatus ceteros
 Europæos in Palatio congregatos repe-
 rit, ac post sumptum de more jentacu-
 lum imperatoris cubile ingressus est. Tum
 vero Imperator de Pedrinio rursum
 questus, ad Legati preces eidem veniam
 indulxit, eumque unacum Ripa libertati
 restituit, ipso autem Legato eandem
 gratiam pro Patre Laureati deprecante
 Imperator sermone ad alia converso asse-
 rebat, se Jesuitas haud majore ceteris
 Europæis affectu prosequi, sed dun-
 taxat desiderare, ut omnes tanquam

Fra-